

## Der Neundte Tractat.

Von Vermischung der Metall / oder wie  
der Samen auß den Metallen  
zubringen.

**W**IR haben geredet von der Natur /  
von der Kunst / von dē Körper / vnd  
von dem Spermate vnd Samen.  
Nun müssen wir zu der Praxi vnd handarbeit  
greiffen / wie nemlich die Metall vermischer wer-  
den sollen / vnd vnder ihnen für eine correspon-  
dens seye. So soltu demnach wissen / daß das  
Weib dem Mann nicht zuwider seye / sie werden  
auß einerley saamen vnd in einer Mutter gebo-  
ren / vnd hat nichts gemangelt als die digestion /  
vnd das die Matrix reiner were gewesen in Blut  
vnd Sale. Also wirdt Luna eben auß dem saamē  
vnd eben auß der Mutter / wie die Sonn / Aber  
die Mutter hat gehabt mehr Wassers / als dige-  
stierten Bluts / nach der zeit des Himmlischen  
monds / Darmit du dir aber desto leichter einbil-  
den könnest / wie die Metalla zusammen gerahen /  
daß sie saamen geben / vnd auch empfangen / So  
sihe an den Himmel vnd die Sphæras vnd Cir-  
kel der Planeten: du sihest das Saturnus der  
obriste ist / demselben folget Jupiter / nach disem  
Mars / hernach Sol / deme folget Venus / darauff  
Mercurius / vnd letztlich Luna. Bedencke je-  
sunder das der Planeten tugend nicht vber sich  
sondern vnder sich würffet / So haben wir s auch  
auß der erfahrung / dz auß Venere mit Mars wird /  
sondern auß dē Marte Venus / als die vmb einen  
Circel

Alle Metall  
haben einen  
ursprung ab-  
ber vnder  
schiedliche  
Matrixes.  
nach art ih-  
rer orte.

1. Satur-  
nus.
2. Iupiter.
3. Mars.
4. Sol.
5. Mercu-  
rius.
6. Venus.
7. Luna.

Planeten  
würffung.